



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XLVI. Kurfürst Friedrich bestätigt und vereignet dem Kloster Lehnin das von Dieterich von Rochow zu Golzow erkaufte Dorf Glindow mit der Hütung auf der wüsten Dorfstelle Kamerode, am 2. Dezember 1452.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

XLVI. Kurfürst Friedrich bestätigt und vereignet dem Kloster Lehnin das von Dieterich von Rochow zu Golsow erkaufte Dorf Glinde mit der Hütung auf der wüsten Dorfstelle Kamerode, am 2. Dezember 1452.

Wir friderich, von gots gnadenn Marggraffe czu Brandenburg, des heiligen Romischen Reichs Erczkamrer vnd Burggraue zu Nuremberg etc., Bekennen — das wir gott czu lobe, seiner werden muter vnd allem himellischen heer czu Eren, vmb vnsrer, vnser Erben vnd nachkommen selen felickeit willen, vnd auch von sunderlicher gunst vnd gnade wegen, vff das gots dinst dester bals gestergkt vnd gemehret muge werden, dem wirdigen vnde Andechtigen vnserem Ratt vnd lieben getruwen, herrn Niclavs, Apt czu lehnyn, dem Prior vnd ganczer Sampnung des Closters darselbst vnd Iren nachkommen, disse hirnachgeschriben guter, Jerlich czinze vnd Rente, Nemlichen das dorff Glinde, mit allen sinen pechten, czinzen, ackern, holtzen, heiden, wassern, wischenn, weiden, Molen gebuwet vnd vngewet, gericht, hochsten vnd Nidersten, vnd allen andern czugehorungen vnd gerechtigkeiten, wie man die benennen mag, keins vnzglossen, vnd auch die weide vnd fretzung der dorstete Kameraden, vffdrift vnd abedrift, czu einem ewigen vnd rechten eigentum gnediglich vereygent haben, dieselben guter, Jerlich czinze vnd Rente, das dorff glinde mit sinen obingeschriben czugehorungen vnd die weide vnd fretzung der dorstete czu Kameraden vnser lieber getruwer ditterich von Rochow, czur Golezaw gefessen, dem gnannten Apte, prior vnd gantzer sampnung des Closters lehnyn recht vnde redlichen, von siner anligenden not wegen, verkauft vnd vor vns williglichen vorlaszen vnd vgegeben hat. Vnde wir voreygen dem gnannten herrn Niclavs Apt, dem Prior vnd gantzer sampnung des Closters lehnyn das obingeschriben dorff Glinde mit allen sinen pechten, czinzen, Renten, ackern, holzen, Weizen, Weiden, wassern, Molen, hochsten vnd nidersten gericht vnde suft mit allen anderen iren czugehorungen, In allirmafze, als dieselben guter, Jerlich czinze vnd pechte der gnannte ditterich von Rochow vormals von vns czu lehen gehat, gebruchet vnd besessen hat, vnd auch die weide vnd vretzung der dorstete kameraden, vffdrift vnd abedrift darfelbs, In Crafft vnd macht disz briues, doch vnschedlichen der vretzung des korns, der fath vnde hauwunge des holtzes, Also das sie vnd alle Ir nachkommen Epte, Prior vnd sampnung des Closters obingnant sulchs dorffs Glinde mit allen sinen zuehorungen vnd gerechtigkeiten obingeschriben vnd och der vretzung vnd weide der dorstete Kameraden mit der vffart vnd abefart Innen haben vnd alle ander Ire eigenthumbs guter besitzen, gebruchen, nutzen vnde genizen sullen vnd mugen, vor vns, vnser Erben vnd nachkommen vnd suft vor allirmeniglich ganz vngehindert. Datum Colen, Sabbato post andree, Anno etc. LII. Testes Episcopus Brandenburgensis, dominus ludwicus, princeps et lantgraffius de lutenberg, domini Comites de lindenlo et hohenslo, dominus nielaus tyrbach magister ordinis santi Johannis, heyne pfuel, Jorge de Waldenfels, Pawl de Conrestorff et quam plures alii fide digni in testimonium premisorum.

Nach dem Churm. Lehn-Copialbuche XX, 44 a.